

## Izveštaj o radu Uprave policije MUP-a Kantona Sarajevo za mjesec oktobar 2017.godine

### KRIMINALITET

#### OSNOVNI STATISTIČKI POKAZATELJI KRIMINALITETA

U mjesecu oktobru 2017. godine, na području Kantona Sarajevo registrovano je 398 krivičnih djela: što je za šest ili 1,5% više u odnosu na isti mjesec prethodne godine.

Od ukupnog broja registrovanih krivičnih djela, 157 ili 39,4% izvršeno je od strane poznatih, a 241-no ili 60,6% od strane nepoznatih izvršilaca.

Za 82 djela ili 34% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je 61-no krivično djelo iz izvještajnog, a 21-no iz ranijeg perioda.

Službenici Uprave policije MUP-a KS su u mjesecu oktobru 2017. godine za ukupno 239 krivičnih djela ili 60,1%, identifikovali osumnjičene izvršioce, što je za 6,2% manje u odnosu na isti mjesec prethodne godine.

Zbog postojanja osnova sumnje da su počinili krivična djela prijavljeno je 199 lica (39 manje), od čega su 103 povratnika (37 manje) u izvršenju krivičnih djela (ili 51,8% od ukupnog broja lica), 14 maloljetnika (sedam više), a 95 lica je lišeno slobode (šest manje).

Pregled kriminaliteta na području Kantona Sarajevo u mjesecu oktobru 2017/16. godine posmatrano po glavama KZFBiH-a (Sl. novine FBiH-a br. 36/03) i KZ BiH-a (Sl. glasnik br. 03/03)

KRIVIČNA DJELA	oktobar 2017.	oktobar 2016.	uporedba br.KD		„rasvijetljenost“ oktobar 2017. g.	
			+ / -	%	br. KD	%
Protiv života i tijela	13	14	-1	-7,1%	11	84,6%
Protiv slobode i prava čovjeka i građanina	17	19	-2	-10,5%	16	94,1%
Protiv braka, porodice i mladeži	28	22	6	27,3%	28	100%
Protiv zdravlja ljudi	44	37	7	18,9%	44	100%
Protiv privrede, poslovanja i sigurnosti platnog prometa	1	3	-2	-66,7%	1	100%
Protiv imovine	255	248	7	2,8%	104	40,8%
Protiv opće sigurnosti ljudi i imovine	7	10	-3	-30%	4	57,1%
Protiv sigurnosti javnog prometa	14	8	6	75%	12	85,7%
Protiv pravosuđa	0	2	-2	--	0	---
Protiv javnog reda i pravnog prometa	11	20	-9	-45%	11	100%
Protiv privrede i jedinstva tržišta te kd iz oblasti carina (KZBiH)	0	1	-1	---	0	---
ZONDINOiM-a (Sl.novine KS br.38/07)	8	8	0	isto	8	100%
UKUPNO	398	392	6	1,5%	239	60,1%

*U mjesecu oktobru 2017. godine u odnosu na isti mjesec prethodne, zabilježeno je neznatno povećanje broja registrovanih krivičnih djela za šest djela ili 1,5%. Povećanje je registrovano u oblastima protiv zdravlja ljudi (za sedam djela), imovine (za sedam), braka, porodice i mladeži (za šest), sigurnosti javnog prometa (za šest) itd., dok je smanjenje evidentirano u oblastima protiv javnog reda i pravnog prometa (za devet), opće sigurnosti ljudi i imovine (za tri), slobode i prava čovjeka i građaina (za dva), privrede, poslovanja i sigurnosti platnog prometa (za dva), pravosuđa (za dva), itd.*

## PREGLED KRIVIČNIH DJELA PO OBLASTIMA

### KRIVIČNA DJELA PROTIV ŽIVOTA I TIJELA

Tokom mjeseca oktobra ove godine evidentirano je 13 krivičnih djela iz ove oblasti (jedno manje u odnosu na oktobar 2016 godine), i to: teška tjelesna ozljeda – četiri (jedno manje) i lahka tjelesna ozljeda – devet (jedno više). Zbog postojanja osnova sumnje da su ih počinili, nadležnim tužilaštvima podneseni su službeni izvještaji protiv 13 lica, sedam je povratnika ili 53,8%, a tri su lišena slobode. Ukupno je rasvijetljeno 11 djela iz ove oblasti ili 84,6%.

### KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 17 krivičnih djela (dva manje) - ugrožavanje sigurnosti za čije je izvršenje prijavljeno 16 lica, od kojih je sedam povratnika u činjenju krivičnih djela (ili 43,8%), a dva su lišena slobode.

### KRIVIČNA DJELA PROTIV BRAKA, PORODICE I MLADEŽI

U izvještajnom mjesecu iz ove oblasti evidentirano je 28 djela (šest više) - nasilje u porodici, za čije izvršenje je prijavljeno 28 lica, od kojih je 18 povratnika (ili 64,3%), a 20 je lišeno slobode.

### 2.4. KRIVIČNA DJELA PROTIV ZDRAVLJA LJUDI

Prijavljena su 44 krivična djela iz oblasti protiv zdravlja ljudi (sedam više) i to:

- Neovlašćena proizvodnja i stavljanje u promet op.droga (čl. 238.KZFBiH) – pet,
- Posjedovanje i omogućavanje uživanja opojnih droga (čl. 239. KZFBiH) – 39 djela.

Zbog postojanja osnova sumnje da su počinili navedena djela podneseni su službeni izvještaji protiv 44 lica od kojih su 22 povratnika ili 50%, a 29 je lišeno slobode.

*Policijski službenici Uprave policije su Kantonalnom tužilaštvu Sarajevo podnijeli službene izvještaje protiv šest lica zbog postojanja osnova sumnje da su u proteklom periodu u više navrata kupovali opojnu drogu Marihuanu, Amfetamin, itd. od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 38 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (Marihuana, Heroin, Amfetamin, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).*

Pregled oduzete količine opojnih droga u mjesecu oktobru 2017/16. godine

vrsta opojne droge	oktobar 2017. godine	oktobar 2016. godine
Marihuana (u gramima)	<b>2.550</b>	4.119
Marihuana (paketići)	<b>27</b>	15
Marihuana (ručno ravljene cigarete)	<b>3</b>	2
Heroin (paketići)	<b>3</b>	---
Amfetamin (paketići)	<b>13</b>	6
Amfetamin (u gramima)	<b>15</b>	5
Ecstasy (tablete)	---	10
Suboxon (tablete)	<b>6</b>	2
Pribor sa ostacima droge	<b>9</b>	---

KRIVIČNA DJELA PROTIV IMOVINE

U izvještajnom mjesecu, registrovano je 255 krivičnih djela protiv imovine, što je za sedam djela ili 2,8% više u odnosu na isti mjesec prošle godine. Među djelima iz ove oblasti najbrojnije su: teške krađe – 157 djela (29 više), zatim krađe – 40 (jedno više), razbojništvo – 30 (21 manje), oštećenje tuđe stvari – 14 (tri više), prijevara - šest (tri više), utaja – tri (šest manje), teška krađa u pokušaju – dva (jedno manje), itd.

Za ukupno 104 ova djela ili 40,8% identifikovan je osumnjičeni izvršilac (7,6% manje) u odnosu na uporedni mjesec.

Kada su u pitanju teške krađe, prema objektu izvršenja najbrojniji su bili stambeni objekti – 65 puta (devet više), zatim slijede motorna vozila (otuđenja motornih vozila i “provale” u ista) – 54 (sedam više), poslovni prostori - 30 (11 više), itd.

Na području Kantona Sarajevo u mjesecu oktobru ove godine izvršena su 33 krivična djela teških krađa motornih vozila od čega je 10 ili 30,3% pronađeno i vraćeno i to:

- policijski službenici Uprave policije KS - tri vozila,
- MUP-a RS-a – jedno,
- drugih MUP-ova – četiri i
- vlasnici - dva vozila.

Broj teških krađa motornih vozila, u odnosu na uporedni mjesec, povećan je za devet ili 37,5%.

Prijavljeno je 40 krivičnih djela krađe (jedno više), koja su izvršena 14 puta u stambenim objektima, 10 u poslovnim prostorijama, osam puta u vozilima i na stajalištima GRAS-a, pet puta na ulici, itd., pri čemu su otuđivani novčanici, bakreni oluci, željezni profili, alat, građevinski materijal, prehrambeni proizvodi, bicikli, itd.

Evidentirano je šest krivičnih djela teških krađa na naročito opasan ili naročito drzak način (19 manje), u kojima su izvršioc, upotrebom fizičke snage – četiri puta, te verbalnom prijetnjom u dva slučaja, otimali mobitele, nakit i novac.

Ova djela su izvršena četiri puta na ulici, na tramvajskom i autobuskom stajalištu - po jedno.

Za ukupno tri djela ili 50% identifikovani su osumnjičeni izvršiocima (18% više), a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv četiri lica, povratnika u činjenju krivičnih djela, a dva su lišena slobode.

U mjesecu oktobru ove godine registrovano je 30 krivičnih djela razbojništva (21 ili 41,2% manje), od čega je za 17 ili 56,7% djela identifikovan osumnjičeni izvršilac (3,8% više) u odnosu na uporedni mjesec.

Razbojništva su izvršena prijetnjom upotrebe vatrenog oružja - 11 puta, prijetnjom upotrebe noža ili drugog oštrog predmeta - 15 i upotrebom fizičke snage - četiri puta, a počinjena su u prodavnicama - 17 puta, na ulici - šest, sportskim kladionicama - tri, na benzinskim pumpama - dva puta, itd. Otudivan je novac, mobiteli i nakit.

Zbog postojanja osnova sumnje da su počinili krivična djela razbojništva, nadležnom tužilaštvu podneseni su službeni izvještaji protiv 13 lica od kojih je osam povratnika u činjenju krivičnih djela (ili 57,1%), a devet je lišeno slobode.

#### KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je sedam djela (tri manje) - izazivanje opće opasnosti, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv sedam lica od kojih su tri povratnika u činjenju krivičnih djela ili 42,9%, a dva su lišena slobode.

*Krivična djela izazivanja opće opasnosti izvršena su šest puta na otvorenom prostoru i jedno u školskom objektu. U tri slučaja aktivirana je nepoznata eksplozivna naprava, dva puta je pucano iz vatrenog oružja, jednom je otvorenim plamenom izazvan požar i u jednom slučaju je putem telefona dojavljeno da je u školi postavljena eksplozivna naprava. Posljedica izvršenja navedenih djela je uznemirenost građana i nastala materijalna šteta.*

#### KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 11 krivičnih djela (devet manje) i to: nedozvoljeno držanje oružja ili eksplozivnih materija - pet, nasilničko ponašanje - četiri, sprječavanje službene osobe u vršenju službene radnje i lažno predstavljanje - po jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 14 lica od kojih je šest povratnika ili 42,9%, a deset je lišeno slobode.

#### KRIVIČNA DJELA POČINJENA OD STRANE MALOLJETNIH LICA

U toku mjeseca oktobra 2017. godine prijavljeno je 14 maloljetnika (sedam ili 100% više u odnosu na isti mjesec 2016. godine) zbog postojanja osnova sumnje da su počinili 14 krivičnih djela (osam ili 133,3% više).

Među prijavljenim maloljetnim učiniocima, šest je u dobi do 16 godina i osam je između 16 i 18 godina, a pet maloljetnika su povratnici u izvršenju krivičnih djela.

Maloljetnici su prijavljeni za izvršenje sljedećih krivičnih djela: razbojništvo - šest djela, posjedovanje i omogućavanje uživanja opojnih droga - tri, izazivanje opće opasnosti - dva, nanošenje teške tjelesne ozljede, nanošenje lahke tjelesne ozljede i nasilničko ponašanje - po jedno djelo.

U četiri djela razbojništva učestvovala su po dva, a u dva djela po jedno lice. Sva lica su povratnici u činjenju krivičnih djela. Razbojništva izvršena su pet puta na ulici i jednom u tržnom centru.

Malodobni učinioci razbojništva su uz prijetnju nožem i fizičkom snagom otuđili: ručni sat, mobitel, biciklo – po dva, jedan prsten i novac.

#### OSTALA PROTIVPRAVNA I ASOCIJALNA PONAŠANJA

##### AKTIVIRANJE MINSKO-EKSPLOZIVNIH SREDSTAVA

U toku mjeseca oktobra 2017. godine registrovana su tri slučaja aktiviranja minsko-eksplozivnih sredstava (dva više), što je za posljedicu imalo materijalnu štetu. Policijski službenici nastavljaju sa preduzimanjem aktivnosti u cilju rasvjetljavanju ovih slučajeva, identifikaciji i pronalasku učinilaca, te njihovom procesuiranju.

U proteklom mjesecu evidentirana je jedna anonimna dojava o postavljenoj eksplozivnoj napravi (u uporednom mjesecu nije bilo anonimnih dojava).

##### POŽARI

U izvještajnom mjesecu na području Kantona Sarajevo registrovano je 12 požara (pet više), koji su za posljedicu imali jedno smrtno stradalo lice i materijalnu štetu.

Prema statističkim pokazateljima, šest požara je izazvano namjerno, jedan požar je prouzrokovan nehatom, jedan zbog tehničkih nedostataka, dok uzroci četiri požara spadaju u kategoriju ostalih.

Zbog izazivanja požara nadležnom tužilaštvu podnesen je jedan službeni izvještaj iz člana 323 KZ FBiH (izazivanje opće opasnosti).

##### SAMOUBISTVA

U mjesecu oktobru 2017. godine na području Kantona Sarajevo registrovano je pet samoubistva (jedno više), izvršenih na slijedeće načine: skokom sa visine i pucanjem iz vatrenog oružja – po dva i vješanjem - jedno.

Prema spolu, izvršioци su muškarci slijedeće starosne strukture: od 30 do 40 godina - jedno i preko 50 godina - četiri lica.

#### JAVNI RED I MIR

Policijski službenici su u mjesecu oktobru ove godine zbog narušavanja javnog reda i mira podnijeli ukupno 380 prekršajna naloga i zahtjeva za pokretanje prekršajnog postupka (naloga - 262, zahtjeva - 118), protiv 420 lica. U odnosu na isti mjesec 2016. godine, broj prekršajnih sankcija smanjen je za 83 ili 17,9%, a broj lica protiv kojih su sankcije preduzete smanjen je za 63 ili 13%.

Od ukupnog broja prekršajnih sankcija, 335 ili 88,1% odnosi se na prekršaje utvrđene Zakonom o prekršajima protiv javnog reda i mira, a 45 ili 11,8% na prekršaje utvrđene Odlukom općinskih vijeća o prekršajima protiv javnog reda i mira.

Prekršajne sankcije preduzete su protiv 45 učinilaca koji su i ranije činili prekršaje (povratnici) i pet prema maloljetnim licima. S obzirom na starosnu strukturu, najbrojniji među učiniocima prekršaja su oni starosne dobi preko 36 godina (240), zatim između 26 i 35 (93), te između 19 i 25 godina (82), a pet su maloljetni učinioci.

Prilikom narušavanja javnog reda i mira u proteklom mjesecu, u slučajevima kada se radilo o prekršajima, nije bilo teže povrijeđenih (kao ni u istom mjesecu 2016. godine), dok je lakše povrijeđeno devet lica (osam ili 47% manje).

**Prema strukturi prekršaja**, najzastupljeniji su prekršaji koji su učinjeni **prosjačenjem** (133 ili 35% od ukupnog broja), **naročito drskim ponašanjem** (52 ili 13,6%), **tučama** (43 ili 11,3%), te **odbijanjem naređenja i omalovažavanje policijskih službenika** (37 ili 9,7%). Znatno manje prekršaja učinjeno je svađom, vikom i nepristojnim ponašanjem (11), uživanjem opojne droge na javnom mjestu (tri), neovlaštenom upotrebom oružja (jedan), te drugim oblicima narušavanja javnog reda i mira (55). Registrovano je i 45 prekršaja koji su regulisani odlukom općinskih vijeća o javnom redu i miru.

U proteklom mjesecu, u odnosu na isti mjesec 2016. godine, povećan je broj odbijanja naređenja i omalovažavanja policijskih službenika, kao i broj prekršajnih sankcija učinjenih svađom, vikom, nepristojnim ponašanjem, a broj prekršaja naročito drskog ponašanja ostao je isti, dok je u svim ostalim slučajevima došlo do smanjenja broja prekršajnih sankcija, što se posebno odnosi na prekršaje učinjene prosjačenjem.

**Prema mjestu izvršenja**, najveći broj prekršaja učinjen je na ulici i na drugim otvorenim prostorima (350 ili 92,1%), a znatno manje u ugostiteljskim objektima (13), u školama i školskim dvorištima (dva), te na ostalim mjestima (15).

U odnosu na isti mjesec 2016. godine, smanjen je broj prekršaja izvršenih u ugostiteljskim objektima, na ulicama, u vozilima javnog saobraćaja, u školama, kao i na svim ostalim mjestima.

Na području Kantona Sarajevo u mjesecu oktobru 2017. godine održano je 311 javnih skupova (46 ili 12,9% manje u odnosu na oktobar 2016. godine). Policijski službenici su proveli planske aktivnosti javnih skupova koji su protekli bezbjedno. U 53 slučaja izvršeno je KDZ osiguranje.

## **SAOBRAĆAJ**

Tokom mjeseca oktobra 2017. godine, u odnosu na isti mjesec prošle godine, na području Kantona Sarajevo registrovano je povećanje ukupnog broja saobraćajnih nezgoda, nezgoda sa materijalnom štetom, sa nastradalim licima i broj povrijeđenih lica, dok je smanjen broj poginulih lica.

Registrovano je 1.029 saobraćajnih nezgoda (58 ili 5,9% više), 937 sa materijalnom štetom (44 ili 4,9 % više) i 92 sa nastradalim licima (14 ili 17,9 % više).

U naselju je registrovano 944 saobraćajnih nezgoda (jedna sa poginulim, 79 sa povrijeđenim licima i 864 sa materijalnom štetom), van naselja 85 nezgoda (jedna sa teže povrijeđenim licem, 11 sa lakše povrijeđenim licima i 73 sa materijalnom štetom).

Evidentirano je 249 saobraćajnih nezgoda na raskrsnicama u naselju, tri na pješačkom prelazu i 777 saobraćajnih nezgoda čije se karakteristike puta ubrajaju u kategoriju ostalih.

Uporedni pokazatelji saobraćajnih nezgoda i posljedica na području Kantona Sarajevo  
za mjesec oktobar 2017/2016. godina

	oktobar 2017.	oktobar 2016.	+ ,-, %
UKUPNO SAOBRAĆAJNIH NEZGODA	1.029	971	58 ili 5,9%
Saobraćajne nezgode sa nastradalim licima	92	78	14 ili 17,9%
Saobraćajne nezgode sa materijalnom štetom	937	893	44 ili 4,9%
POGINULO LICA	1	3	-2 ili 66,7%
- vozači	0	1	-1
-putnici	0	0	---
- pješaci	1	2	-1 ili 50%
POVRIJEĐENO LICA	118	87	31 ili 35,6%
- vozači	52	43	9 ili 20,9%
- putnici	42	20	22 ili 110%
- pješaci	24	24	isto

POSljedICE SAOBRAĆAJNIH NEZGODA

Tokom mjeseca oktobra 2017. godine, u saobraćajnim nezgodama na području Kantona Sarajevo 119 lica je nastradalo (29 ili 32,2 % više u odnosu na oktobar 2016. godine). Jedno lice je poginulo (dva ili 66,7 % manje), dok je 118 lica povrijeđeno (31 ili 35,6 % više), 19 teže i 99 lakše.

Među povrijeđenim licima evidentirana su:

- 52 vozača (devet više)
- 42 putnika (22 više)
- 24 pješaka (isto u uporednom mjesecu).

Tabelarni pregled nastradalih lica u saobraćajnim nezgodama po kategoriji učesnika  
za mjesec oktobar 2017/2016. godina

	POGINULI			TEŠKO POVRIJEĐENI			LAKŠE POVRIJEĐENI		
	oktobar 2017.	oktobar 2016.	+ ,-, %	oktobar 2017.	oktobar 2016.	+ ,-, %	oktobar 2017.	oktobar 2016.	+ ,-, %
VOZAČI	0	1	-1	3	2	1 ili 50%	49	41	8 ili 19,5%
PUTNICI	0	0	---	5	3	2 ili 66,7%	37	17	20 ili 117,6%
PJEŠACI	1	2	-1 ili 50%	11	13	-2 ili 15,3%	13	11	2 ili 18,1%
UKUPNO	1	3	-2 ili 66,7%	19	18	1 ili 5,5%	99	69	30 ili 43,4%

Kada je u pitanju stepen povreda, tri vozača su teže, a 49 lakše povrijeđena, pet putnika je teže, a 37 lakše povrijeđeno, dok je 11 pješaka teže, a 13 lakše povrijeđeno.

Starosna struktura lica povrijeđenih u saobraćajnim nezgodama je sljedeća: od 31 do 40 godina – 32 lica, od 51 do 65 godina i od 25 do 30 godina – po 17 lica, od 41 do 50 godina – 16 lica, od 66 godina i više – 11 lica, od 21 do 24 godine – devet lica, do 18 godina – sedam lica i od 18 do 20 godina – šest lica, a četiri lica su nepoznate starosne dobi.

Prema kategoriji puta, najveći broj saobraćajnih nezgoda registrovan je na ulicama u naselju – 783 nezgoda u kojima je 78 lica nastradalo (jedno lice poginulo, 77 lica povrijeđeno), zatim na magistralnim putevima – 120 nezgoda u kojima su 22 lica povrijeđena, na regionalnim putevima – 62 nezgode (11 lica povrijeđeno), na lokalnim putevima – 54 nezgode (osam lica povrijeđeno) i na putevima koji se ubrajaju u kategoriju ostalih – 10 saobraćajnih nezgoda u kojima nije bilo povrijeđenih lica.

#### UZROCI SAOBRAĆAJNIH NEZGODA

Od ukupno 1.029 uzroka saobraćajnih nezgoda, 138 je bilo zbog neprilagođene brzine (28 lica povrijeđeno), devet zbog uticaja alkohola (jedno lice povrijeđeno), jedna saobraćajna nezgoda zbog odrona na putu (nije bilo povrijeđenih lica), dok uzroci za 881 saobraćajnu nezgodu spadaju u kategoriju ostalih (jedno lice poginulo, 89 lica povrijeđeno).

Evidentirane su 34 saobraćajne nezgode (osam više) u kojima su učestvovali inostrani vozači i četiri nezgode (isto kao i u uporednom mjesecu) u kojima su učestvovala vozila međunarodnih organizacija (bez nastradalih lica).

#### AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca oktobra 2017. godine, kontrolisano je ukupno 24.262 vozila (2.479 manje u odnosu na oktobar 2016. godine), 6.387 lica u vozilima (8.308 manje), izvršen je pregled 194 vozila (193 manje) i 395 lica u vozilima (49 više).

Zbog tehničke neispravnosti iz saobraćaja su isključena 109 vozila (15 više), 233 vozača su zatečena da upravljaju vozilom pod dejstvom alkohola (213 manje), 495 bez korištenja sigurnosnog pojasa (288 manje), 92 bez položenog vozačkog ispita (197 manje), 38 vozača je upravljalo vozilom pod izrečenom zaštitnom mjerom (u uporednom mjesecu nije bilo), a 129 vozača je učestvovalo u saobraćaju bez važeće registracije (191 manje).

Zbog kršenja propisa iz oblasti sigurnosti saobraćaja uručeno je 17.848 prekršajnih naloga vozačima (2.647 manje u odnosu na oktobar prošle godine) i podnesen je 21 zahtjev za pokretanje prekršajnog postupka (32 manje). Evidentirano je 14 krivičnih djela zbog ugrožavanja sigurnosti javnog prometa (šest više u odnosu na oktobar prošle godine).

#### MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca oktobra 2017. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 7.504 prekršajna naloga (301 manje u odnosu na oktobar 2016. godine), upozorena su 633 vozača (32 više), a specijalnim vozilom “pauk” premještena su 183 vozila (59 manje).

Takođe, pješacima koji su kršili propise uručeno je 333 prekršajnih naloga (328 manje), a upozorena su 174 pješaka (49 manje).

## **ZAKONITOST U RADU**

Tokom mjeseca oktobra 2017. godine, registrovana su dva napada na policijske službenike Uprave policije (isti broj napada kao u uporednom mjesecu).

Policijski službenici su u tri slučaja opravdano upotrijebili silu (šest manje):

Tokom mjeseca oktobra 2017. godine registrovano je 40 predstavki na rad službenika policije (devet više) među kojima je za 20 predstavki odlučeno da se izvrši provjera i prikupi potrebna dokumentacija, za 12 predstavki data je saglasnost za sprovođenje unutrašnjih istraga, za tri predstavke donesen je zaključak o nenadležnosti, za jednu da nema osnova za provođenje istrage i za četiri predstavke da se pripoje ranijem spisu.

Postupano je po 36 predstavki iz ranijeg perioda, po kojima su vođenje unutrašnje istrage, tako da su ukupno vođene 52 unutrašnje istrage.

Okončano je 11 unutrašnjih istraga, među kojima su u tri slučaja predstavke bile osnovane, pet je bilo bez dovoljno dokaza, u dva slučaja predstavke su neosnovane, u jednom slučaju je istraga okončana ocjenom oslobađajuća.

## **AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE**

U mjesecu oktobru ove godine evidentirano je osam djela regulisanih ZONDINOIM-om (isti broj) počinjenih od strane osam lica, od kojih je šest povratnika, a dva su lišena slobode.

U sklopu aktivnosti na oduzimanju nelegalno posjedovanog oružja i drugih predmeta oduzeto je:

- pet puški, četiri pištolja, 15 „noževa, mačeva i sl.“, pet ručnih bombi, jedan bokser, 213 komada municije raznog kalibra, itd.

Od strane Policijskih uprava fizičkim licima izdata su 84 odobrenja za nabavku vatrenog oružja (18 manje) i 114 oružnih listova (14 više).

## **RAD POLICIJE U ZAJEDNICI**

U okviru Rada policije u zajednici u toku oktobra 2017. godine obavljane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.